



**Äntwert vun der Ministesch fir Landwirtschaft, Ernährung a Wäibau op d'parlamentaresch Fro n°3395
vun dem éierbaren Deputéierten Sven Clement**

1. Wéi vill Hektar landwirtschaftlech Fläch sinn no Donnéeë vum Ministère aktuell zu Lëtzebuerg am Besëtz vu juristesche Persounen, déi keng aktiv landwirtschaftlech Betriber sinn (z. B. Promoteuren, Immobilienholdings, Investmentfongen oder Fondatiounen)?

De Landwirtschaftsministère huet keng Donnéeë vun de gefroten Informatiounen.

2. Wéi hunn sech d'Duerchschnëttspräisser fir de Kaf vu landwirtschaftlech Terrain (Akerland a Gréngland) an de leschten 10 Joer zu Lëtzebuerg entwéckelt?

Op déi lescht 10 Joer gekuckt si d'Kafpräisser em 75% geklommen, wéi een a follgendem Tableau ka gesinn:

	Kafpräis	
	€/Ha hTVA	2015=100
2015	27.764	100%
2016	25.535	92%
2017	34.420	124%
2018	34.245	123%
2019	34.550	124%
2020	46.205	166%
2021	45.990	166%
2022	43.320	156%
2023	38.280	138%
2024	48.455	175%

Quell: Service d'économie rurale

Weider Detailer heizou fënnt een um [LUSTAT-Portal](#).

3. Huet de Ministère statistesch Donnéeën, déi weisen, a wéi engem Ëmfang sougenannt "Share Deals" (de Kaf vun Undeeler u landwirtschaftleche Gesellschaften amplaz vum direkte Landkaf) zu Lëtzebuerg an de leschte Jore stattfonnt hunn?

De Landwirtschaftsministère huet keng Donnéeë vun de gefroten Informatiounen.

4. Wéi huet sech de Pachtpräis pro Hektar an de leschte Joren entwéckelt, a gëtt et eng Korrelatioun tëscht der Kafpräisentwécklung an der Héicht vun de Pachten?

Op déi lescht 10 Joer gekuckt si d'Puechtpräisser em 23% geklommen, wéi een a folgendem Tableau ka gesinn:

	Pachtpräis	
	€/Ha hTVA	2015=100

2015	233	100%
2016	240	103%
2017	243	104%
2018	256	110%
2019	255	110%
2020	269	115%
2021	278	119%
2022	277	119%
2023	280	120%
2024	288	123%
Quell: Service d'économie rurale		

Weider Detailer heizou fënnt een um [Landwirtschaftsportal](#).

Wat d'Korrelatioun ugeet, sou ass d'Richtung déi selwecht, de Kafpräis weist awer méi Schwankungen op an ass an de leschten 10 Joer méi staark geklommen (+75%) wéi de Pachtpräis (+23%).

Lëtzebuerg, den 21 Januar 2026

D'Ministesch fir Landwirtschaft, Ernährung a Wäibau

(s.) Martine HANSEN